

T02n0099\_p0189b10(00) || (七〇四) 如是我聞： 一時，  
T02n0099\_p0189b11(08) || 佛住舍衛國祇樹給孤獨園。 爾時，世尊告諸比丘：「若不正思惟者，  
T02n0099\_p0189b12(00) || 未起貪欲蓋則起，已起貪欲蓋重生令增廣；  
T02n0099\_p0189b13(00) || 未起瞋恚、睡眠、掉悔、疑蓋則起，已起瞋恚、  
T02n0099\_p0189b14(01) || 睡眠、掉悔、疑蓋重生令增廣。未起念覺支不起，  
T02n0099\_p0189b15(00) || 已起念覺支則退；未起擇法、精進、猗、喜、定、  
T02n0099\_p0189b16(00) || 捨覺支不起，已起擇法、精進、猗、喜、定、  
T02n0099\_p0189b17(02) || 捨覺支則退。 「若比丘正思惟者，  
T02n0099\_p0189b18(06) || 未起貪欲蓋不起，已起貪欲蓋令滅；未起瞋恚、睡眠、掉悔、  
T02n0099\_p0189b19(01) || 疑蓋不起，已起瞋恚、睡眠、掉悔、疑蓋則斷。  
T02n0099\_p0189b20(02) || 未起念覺支則起，已起者重生令增廣；未起擇法、  
T02n0099\_p0189b21(00) || 精進、猗、喜、定、捨覺支則起，  
T02n0099\_p0189b22(07) || 已起者重生令增廣。」 佛說此經已，諸比丘聞佛所說，  
T02n0099\_p0189b23(03) || 歡喜奉行。  
T02n0099\_p0189b24(00) || (七〇五) 如是我聞： 一時，  
T02n0099\_p0189b25(08) || 佛住舍衛國祇樹給孤獨園。 爾時，世尊告諸比丘：「有五退法。  
T02n0099\_p0189b26(01) || 何等為五？謂貪欲、瞋恚、睡眠、掉悔<sup>1</sup>、疑蓋<sup>2</sup>，  
T02n0099\_p0189b27(03) || 是則退法。若修習七覺支，多修習令增廣，  
T02n0099\_p0189b28(04) || 是則不退法。何等為七？謂念覺支、擇法覺支、精進覺支、  
T02n0099\_p0189b29(00) || 猗覺支、喜覺支、定覺支、捨覺支，是名不退法。」  
T02n0099\_p0189c01(00) || 佛說此經已，諸比丘聞佛所說，歡喜奉行。  
T02n0099\_p0189c02(00) || (七〇六) 如是我聞： 一時，  
T02n0099\_p0189c03(08) || 佛住舍衛國祇樹給孤獨園。 爾時，世尊告諸比丘：「有五法，  
T02n0099\_p0189c04(02) || 能為黑闇，能為無目，能為無智，能羸智慧，  
T02n0099\_p0189c05(01) || 非明、非等覺，不轉趣涅槃。何等為五？謂貪欲、  
T02n0099\_p0189c06(00) || 瞋恚、睡眠、掉悔、疑。如此五法能為黑闇，  
T02n0099\_p0189c07(01) || 能為無目，能為無智，非明、非正覺，  
T02n0099\_p0189c08(04) || 不轉趣涅槃。 「若有七覺支，能作大明，能為目，  
T02n0099\_p0189c09(03) || 增長智慧，為明、為正覺，轉趣涅槃。  
T02n0099\_p0189c10(07) || 何等為七？謂念覺支、擇法覺支、精進覺支、猗覺支、喜覺支、  
T02n0099\_p0189c11(00) || 定覺支、捨覺支。為明、為目，增長智慧，  
T02n0099\_p0189c12(01) || 為明、為正覺，轉趣涅槃。」 佛說此經已，  
T02n0099\_p0189c13(03) || 諸比丘聞佛所說，歡喜奉行。

<sup>1</sup>五蓋之一。掉，指心躁動不安；悔，於所作之事心懷憂惱；此二者皆為使心不安靜之煩惱，能障聖道，故稱蓋。合掉舉、追悔（惡作）二煩惱為一蓋，以能障礙定蘊，故稱掉悔蓋。又作掉舉惡作蓋、掉戲蓋、調戲蓋。五蓋中僅此蓋與昏眠蓋（昏沈、睡眠）合二為一蓋。  
<sup>2</sup>蓋為煩惱之異稱。與「疑煩惱」同義。謂疑惑之情，覆蓋行者心識，使不徹見真理，故稱疑蓋。據大毘婆沙論卷四十八載，所謂「蓋」，含有障、覆、破、壞、墮、臥等諸義。法界次第初門卷上之上（大四六·六六八上）：「蓋以覆蓋為義，能覆蓋行者清淨善心，不得開發，故名為蓋。（中略）癡心求理，猶預不決，名之為疑。」（

T02n0099\_p0189c14(00) || (七〇七) 如是我聞： 一時，  
T02n0099\_p0189c15(08) || 佛住舍衛國祇樹給孤獨園。 爾時，世尊告諸比丘：「有五障、  
T02n0099\_p0189c16(01) || 五蓋，煩惱於心，能羸智慧，障闕之分，非明、  
T02n0099\_p0189c17(00) || 非正覺，不轉趣涅槃。何等為五？謂貪欲蓋、  
T02n0099\_p0189c18(00) || 瞋恚蓋、睡眠蓋、掉悔蓋、疑蓋。如此五蓋，  
T02n0099\_p0189c19(02) || 為覆為蓋，煩惱於心，令智慧羸，為障闕分，  
T02n0099\_p0189c20(00) || 非明、非等覺，不轉趣涅槃。 「若七覺支，  
T02n0099\_p0189c21(01) || 非覆非蓋，不惱於心，增長智慧，為明、  
T02n0099\_p0189c22(02) || 為正覺，轉趣涅槃。何等為七？謂念覺支等……」  
T02n0099\_p0189c23(02) || 如上說，乃至捨覺支。「如此七覺支，非翳非蓋，  
T02n0099\_p0189c24(00) || 不惱於心，增長智慧，為明、為正覺，  
T02n0099\_p0189c25(02) || 轉趣涅槃。」爾時，世尊即說偈曰：  
T02n0099\_p0189c26(00) || 「貪欲瞋恚蓋， 睡眠掉悔疑，  
T02n0099\_p0189c27(00) || 如此五種蓋， 增長諸煩惱，  
T02n0099\_p0189c28(00) || 此五覆世間， 深著難可度，  
T02n0099\_p0189c29(00) || 障蔽於眾生， 令不見正道。  
T02n0099\_p0190a01(00) || 若得七覺支， 則能為照明，  
T02n0099\_p0190a02(00) || 唯此真諦言， 等正覺所說，  
T02n0099\_p0190a03(00) || 念覺支為首， 擇法正思惟，  
T02n0099\_p0190a04(00) || 精進猗喜覺， 三昧捨覺支，  
T02n0099\_p0190a05(00) || 如此七覺支， 牟尼之正道，  
T02n0099\_p0190a06(00) || 隨順大仙人， 脫生死怖畏。」  
T02n0099\_p0190a07(00) || 佛說此經已，諸比丘聞佛所說，歡喜奉行。  
T02n0099\_p0190a08(00) || (七〇八) 如是我聞： 一時，  
T02n0099\_p0190a09(08) || 佛住舍衛國祇樹給孤獨園。 爾時，世尊告諸比丘：  
T02n0099\_p0190a10(06) || 「若族姓子捨諸世務，出家學道，剃除鬚髮，  
T02n0099\_p0190a11(04) || 著袈裟正信非家，出家學道。如是出家，而於其中，  
T02n0099\_p0190a12(01) || 有愚癡士夫依止聚落城邑，晨朝著衣持鉢，  
T02n0099\_p0190a13(00) || 入村乞食，不善護身，不守根門，  
T02n0099\_p0190a14(03) || 不攝其念，觀察女人少壯好色而生染著，  
T02n0099\_p0190a15(03) || 不正思惟，心馳取相，趣色欲想，為欲心熾盛，  
T02n0099\_p0190a16(02) || 燒心燒身，返俗還戒而自退沒。厭離俗務，  
T02n0099\_p0190a17(01) || 出家學道而反染著，增諸罪業而自破壞，  
T02n0099\_p0190a18(01) || 沈翳沒溺。 「有五種大樹，其種至微，  
T02n0099\_p0190a19(04) || 而樹生長巨大，而能映障眾雜小樹，蔭翳萎悴，  
T02n0099\_p0190a20(02) || 不得生長。何等五？謂捷遮耶樹、迦裨多羅樹、  
T02n0099\_p0190a21(00) || 阿濕波他樹、優曇鉢羅樹、尼拘留他樹。  
T02n0099\_p0190a22(00) || 如是五種心樹，種子至微，而漸漸長大，  
T02n0099\_p0190a23(01) || 蔭覆諸節，能令諸節蔭覆墮臥。  
T02n0099\_p0190a24(06) || 何等為五？謂貪欲蓋漸漸增長，睡眠、掉悔、  
T02n0099\_p0190a25(05) || 疑蓋漸漸增長，以增長故，令善心蔭覆墮臥。  
T02n0099\_p0190a26(04) || 「若修習七覺支，多修習已，轉成不退。

T02n0099\_p0190a27(06) || 何等為七？謂念覺支、擇法、精進、猗、喜、定、捨覺支。  
T02n0099\_p0190a28(03) || 如是七覺支，修習多修習已，轉成不退轉。」  
T02n0099\_p0190a29(03) || 佛說此經已，諸比丘聞佛所說，歡喜奉行。  
T02n0099\_p0190b01(00) || (七〇九) 如是我聞： 一時，  
T02n0099\_p0190b02(08) || 佛住舍衛國祇樹給孤獨園。 「若比丘專一其心，側聽正法，  
T02n0099\_p0190b03(02) || 能斷五法，修習七法，令其轉進滿足。  
T02n0099\_p0190b04(04) || 何等為斷五法？謂貪欲蓋、瞋恚蓋、睡眠蓋、掉悔蓋、  
T02n0099\_p0190b05(01) || 疑蓋，是名五法斷。何等修習七法？謂念覺支、  
T02n0099\_p0190b06(00) || 擇法覺支、精進覺支、猗覺支、喜覺支、  
T02n0099\_p0190b07(02) || 定覺支、捨覺支，修此七法，轉進滿足。」  
T02n0099\_p0190b08(04) || 佛說此經已，諸比丘聞佛所說，歡喜奉行。  
T02n0099\_p0190b09(00) || (七一〇) 如是我聞： 一時，  
T02n0099\_p0190b10(09) || 佛住舍衛國祇樹給孤獨園。 爾時，世尊告諸比丘：  
T02n0099\_p0190b11(07) || 「聖弟子清淨信心，專精聽法者，能斷五法，修習七法，  
T02n0099\_p0190b12(01) || 令其滿足。何等為五？謂貪欲蓋，瞋恚、睡眠、  
T02n0099\_p0190b13(01) || 掉悔、疑，此蓋則斷。何等七法？謂念覺支，擇法、  
T02n0099\_p0190b14(00) || 精進、猗、喜、定、捨覺支。此七法修習滿足，  
T02n0099\_p0190b15(01) || 淨信者，謂心解脫；智者，謂慧解脫；  
T02n0099\_p0190b16(04) || 貪欲染心者，不得不樂；無明染心者，慧不清淨。  
T02n0099\_p0190b17(01) || 是故，比丘！離貪欲者心解脫，  
T02n0099\_p0190b18(06) || 離無明者慧解脫。若彼比丘離貪欲，心解脫，得身作證；  
T02n0099\_p0190b19(00) || 離無明，慧解脫，是名比丘斷愛縛、結，  
T02n0099\_p0190b20(02) || 慢無間等，究竟苦邊。」 佛說此經已，  
T02n0099\_p0190b21(04) || 諸比丘聞佛所說，歡喜奉行。  
T02n0099\_p0190b22(00) || (七一一) 如是我聞： 一時，  
T02n0099\_p0190b23(08) || 佛住王舍城耆闍崛山中。 時，有無畏王子，日日步涉，  
T02n0099\_p0190b24(03) || 仿佯遊行，來詣佛所，與世尊面相問訊慰勞已，  
T02n0099\_p0190b25(01) || 退坐一面，白佛言：「世尊！有沙門、  
T02n0099\_p0190b26(04) || 婆羅門作如是見，作如是說：『無因、無緣眾生煩惱，  
T02n0099\_p0190b27(01) || 無因、無緣眾生清淨。』世尊復云何？」 佛告無畏：  
T02n0099\_p0190b28(02) || 「沙門、婆羅門為其說，不思而說，愚癡、不辨、  
T02n0099\_p0190b29(00) || 不善，非知思，不知量，作如是說：『無因、  
T02n0099\_p0190c01(02) || 無緣眾生煩惱，無因、無緣眾生清淨。』  
T02n0099\_p0190c02(06) || 所以者何？有因、有緣眾生煩惱，有因、有緣眾生清淨故。  
T02n0099\_p0190c03(01) || 何因、何緣眾生煩惱？何因、  
T02n0099\_p0190c04(09) || 何緣眾生清淨？謂眾生貪欲增上，於他財物、他眾具而起貪言：  
T02n0099\_p0190c05(00) || 『此物於我有者，好、不離、愛樂。』  
T02n0099\_p0190c06(05) || 於他眾生而起恨心、兇心，計較、欲打、欲縛、欲伏，  
T02n0099\_p0190c07(03) || 加諸不道。為造眾難，不捨瞋恚，身睡眠、心懈怠、  
T02n0099\_p0190c08(01) || 心掉動，內不寂靜，心常疑惑，過去疑、未來疑、  
T02n0099\_p0190c09(00) || 現在疑。無畏。如是因、如是緣眾生煩惱。  
T02n0099\_p0190c10(01) || 如是因、如是緣眾生清淨。」 無畏白佛：「瞿曇！

T02n0099\_p0190c11(01) || 一分之蓋，足煩惱心，況復一切？」無畏白佛：  
T02n0099\_p0190c12(02) || 「瞿曇！何因、何緣眾生清淨？」佛告無畏：  
T02n0099\_p0190c13(05) || 「若婆羅門有一勝念，決定成就，久時所作，久時所說，  
T02n0099\_p0190c14(00) || 能隨憶念，當於爾時習念覺支。修念覺已，  
T02n0099\_p0190c15(00) || 念覺滿足，念覺滿足已，  
T02n0099\_p0190c16(07) || 則於選擇分別思惟，爾時擇法覺支修習。修擇法覺支已，  
T02n0099\_p0190c17(01) || 擇法覺支滿足，彼選擇分別思量法已，  
T02n0099\_p0190c18(03) || 則精進方便。精進覺支於此修習，修精進覺支已，  
T02n0099\_p0190c19(00) || 精進覺支滿足，彼精進方便已，則歡喜生，  
T02n0099\_p0190c20(00) || 離諸食想。修喜覺支，修喜覺支已，  
T02n0099\_p0190c21(03) || 則喜覺支滿足，喜覺支滿足已，身心猗息，  
T02n0099\_p0190c22(03) || 則修猗覺支。修猗覺支已，猗覺滿足，身猗息已，  
T02n0099\_p0190c23(01) || 則愛樂，愛樂已心定，則修定覺支。  
T02n0099\_p0190c24(04) || 修定覺支已，定覺滿足，定覺滿足已，貪憂滅，  
T02n0099\_p0190c25(03) || 則捨心生，修捨覺支。修捨覺支已，捨覺支滿足。  
T02n0099\_p0190c26(00) || 如是，無畏！此因、此緣眾生清淨。」  
T02n0099\_p0190c27(04) || 無畏白瞿曇：「若一分滿足，令眾生清淨，況復一切？」  
T02n0099\_p0190c28(02) || 無畏白佛：「瞿曇！當何名此經？云何奉持？」  
T02n0099\_p0190c29(02) || 佛告無畏王子：「當名此為覺支經。」無畏白佛：  
T02n0099\_p0191a01(02) || 「瞿曇！此為最勝覺分。瞿曇！我是王子，  
T02n0099\_p0191a02(03) || 安樂亦常求安樂，而希出入，今來上山，  
T02n0099\_p0191a03(03) || 四體疲極，得聞瞿曇說覺支經，悉忘疲勞。」  
T02n0099\_p0191a04(02) || 佛說此已，王子無畏聞佛所說，歡喜隨喜，  
T02n0099\_p0191a05(01) || 從座起，稽首禮佛足而去。  
T02n0099\_p0191a06(00) || 雜阿含經卷第二十六